

Na osnovu člana 50. Zakona o izvršenju budžeta Bosansko-podrinjskog kantona Goražde za 2018. godinu (Službene novine Bosansko-podrinjskog kantona Goražde) Ministarstvo finansija utvrđuje:

## **PROGRAM**

**Utroška sredstava**

**Ministarstvo za finansije, ekonomski kod 614300 – Tekući transferi neprofitnim organizacijama, Budžeta Bosansko-podrinjskog kantona za 2018. godinu**

### **1. NAZIV PROGRAMA**

Naziv programa je „Program utroška sredstava Ministarstva finansija Bosansko-podrinjskog kantona Goražde“, sa ekonomskog koda **614300** – Tekući transferi neprofitnim organizacijama.

### **PODACI O PROGRAMU**

<b>Period realizacije Programa:</b>	<b>01.01.-31.12.2018. godine</b>
<b>Budžetska pozicija:</b>	<b>Tekući transferi neprofitnim organizacijama</b>
<b>Ekonomski kod:</b>	<b>614 300</b>
<b>Ukupna vrijednost Programa:</b>	<b>15.000,00 KM</b>
<b>Odgovorna osoba:</b>	<b>Nudžeim Džihanić dipl. ecc</b>
<b>Pozicija odgovorne osobe:</b>	<b>Ministar finansija BPK-a Goražde</b>
<b>Kontakt osoba za Program:</b>	<b>Adnan Imširović</b>
<b>Kontakt telefon.</b>	<b>038/228-705</b>
<b>Kontakt e-mail:</b>	<b>ministarstvo.finansija@bpkg.gov.ba</b>
<b>Internet:</b>	<b>www.bpk.gov.ba</b>

Saglasnost na ovaj Program, u skladu sa članom 50. Zakona o izvršenju budžeta Bosansko-podrinjskog kantona Goražde za 2018. godinu (Službene novine Bosansko-podrinjskog kantona Goražde) dala je Vlada Bosansko-podrinjskog kantona Goražde Odlukom broj: 03-14-451/18 od 04.04.2018. godine.

## 2. SVRHA I OPIS PROGRAMA

### Član 1.

**Svrha** Programa je da se sredstva iz Budžeta Bosansko-podrinjskog kantona za 2018. godinu, Ministarstvo za finansije BPK-a Goražde, ekonomski kod 614300, „Tekući transferi neprofitnim organizacijama“ koriste za sufinansiranje aktivnosti udruženja sa područja Bosansko-podrinjskog kantona u 2018. godini.

### Član 2.

**Visina sredstava**, utvrđenih ovim Programom, iznosi 15.000,00 KM (slovima: petnaest hiljada konvertibilnih maraka)

### Član 3.

**Izvor sredstava** je Budžet Bosansko-podrinjskog kantona za 2018. godinu, Ministarstva za finansije BPK-a Goražde, ekonomski kod 614300, „Tekući transferi neprofitnim organizacijama“.

### Član 4.

**Kriteriji**– Sredstva se raspoređuju u skladu sa Programom rada Vlade i Ministarstva za finansije BPK-a Goražde, Budžetom Bosansko-podrinjskog kantona BPK-a Goražde za 2018. godinu i Planom utroška sredstava Ministarstva, na koji je saglasnost dala Vlada Bosansko-podrinjskog kantona BPK-a Goražde. Sredstva se raspoređuju na način da se 80% sredstava realizuje putem Javnog poziva i 20% na osnovu zahtjeva koje odobrava Ministar finansija, a ocjene i vrednovanje projekata će vršiti imenovana Komisija Ministarstva za finansije Bosansko-podrinjskog kantona

### Član 5.

**Sredstva primaju** udruženja koja ispunjavaju kriterije raspodjele sredstava sa pozicije „Tekući transferi neprofitnim organizacijama“ za 2018. godinu. U slučaju da su udruženja u svojim aplikacijama dostavili netačne podatke, na osnovu kojih su ostvarili veći bodovni iznos i veća novčana sredstva, a iste otkrije i utvrdi imenovana komisija planirani pripadajući iznosi iz Programa utroška sredstava „Tekući transferi neprofitnim organizacijama“ za 2018. godinu, neće se realizirati.

### Član 6.

Dinamika raspodjele sredstava utvrđivati će se mjesečno zavisno od stanja prihoda u Budžetu Bosansko-podrinjskog kantona.

### Član 7.

Za distribuciju odobrenih sredstava korisnicima zadužuje se Ministrstvo finansija BPK-a.

## KRITERIJI ZA RASPODJELU BUDŽETSKIH SREDSTAVA ZA 2018. GODINU

**Opšti kriteriji** za učestvovanje i dokumentacija koja se dostavlja prilikom prijave na javni poziv:

- a) Popunjen obrazac za aplikaciju za finansiranje/sufinansiranje projekata koji sadrži: naziv projekta, opis potreba, kratak opis projekta, ciljevi, ciljne grupe, plan i trajanje projekta, osoblje i budžet;
- b) Rješenje o registraciji
- c) Uvjerenje o poreskoj registraciji – identifikacioni broj;
- d) Uvjerenje o izmirenim poreskim obavezama a oni predlagači koji nemaju neizmirenih obaveza mogu dostaviti ovjerenu izjavu kod nadležnog organa da nemaju neizmirenih obaveza kojom to potvrđuju;
- e) Uvjerenje o izmirenim porezima i doprinosima za zaposlenike (ukoliko ima zaposlenika) a oni predlagači koji nemaju uposlenih mogu dostaviti ovjerenu izjavu kod nadležnog organa da nemaju uposlenih kojom to potvrđuju;
- f) Listu članova udruženja

### **Posebni kriteriji:**

- a) Da predloženi projekti edukativnog karaktera iz oblasti finansija i da nisu vezani za oblast iz nadležnosti drugih ministarstava,
- b) Da su predviđeni projekti podneseni u predviđenom roku,
- c) Da se projekat realizuje na području Bosansko-podrinjskog kantona Goražde i
- d) Da vrijednost projekta ne prelazi iznos sredstava planiranih u budžetu Ministarstva finansija BPK-a Goražde

### **Bodovni kriteriji:**

- a) Hitnost realizacije projekta
- b) Kvaliteta projekta
- c) Održivost projekta
- d) Ekonomičnost projekta
- e) Broj osoba obuhvaćenih projektom
- f) Finansijski kriterij

### **Korisnici sredstava**

Su udruženja koja su registrovana u Ministarstvu pravosuđa, a koja imaju sjedište, djeluju, rade i implementiraju projekte na području Kantona.

### **Procjena rezultata**

Ministarstvo finansija BPK-a Goražde će svojim aktivnim učešćem obezbjediti praćenje provedenim aktivnostima i nadzor nad realizacijom projekta.

**MINISTARSTVO ZA FINANSIJE  
BPK-a GORAŽDE**

**MINISTAR**  
**Nudžeim Džihanić dipl. ecc**

Broj: 06-14-2168-1/18  
Goražde, 16.04.2018.godine